

Dominum, qui ejus humilitatem respexit (*Luc.* 1); quantum ad angelos, quibus etiam cognata virginitas, et quantum ad homines, quibus edidit Salvatorem. *Vel, gratia plena*, quia Virgo contra carnem; pauper contra mundum; humili contra diabolum. *Dominus tecum*, sicut pater cum filia gubernando, sicut filius cum matre obediendo, sicut custos ejus thesauros custodiendo, sicut puer cum nutrice, sicut sponsus cum sposa, sicut rex cum regina. Et ultimo, *Dominus tecum*, per naturam, per gratiam, et per gloriam. Per naturam, excellenter subsistendo, praesentialiter cognoscendo, potentialiter persisten-

**A**do; per gratiam, scilicet infusionis, operationis et revelationis; et per gloriam, quia in ratione plenitudo lucis, in voluntate plenitudo pacis, in memoria continuatio aeternitatis. *Benedicta tu in mulieribus*, quia in utero sanctificata, quia in anima a peccato præservata, quia in te peccati fomes extinctus, quia bonis omnibus et virtutibus repleta, quia utero tuo privilegiata, quia conceperisti sine semine, portasti sine pondere, peperisti sine dolore, quia ab omnibus Christianis specialiter laudata, quia ab ipso Christo, et omnibus sanctis et angelis in morte obviata, etc.

### III.

#### MEDITATIO SUPER SALVE REGINA, ETC.

*Titulum hunc præfixum habet codex ille prægrandis Mantuanus ms. circa quem fortassis lector hæsitabit, dum viderit opellam hanc alias D. Bernardo attribui, atque inter ejus opera circumferri. Eadem quidem utrobius est meditatio, sed illa contractior, ista duplo major, neura tamen reputabitur Anselmi, si Bernardus, illo posterior, postrema illa verba. O clemens, o pia, o dulcis Virgo Maria, subiuxerit in urbe Spirensi; (58) quod scribunt plerique. Alii solemni trina genuflexione recitasse volunt, non addidisse. Possevinus utique lectorum monet ut videat utrum recte Bernardo tribuatur. Idem prosector hujus et præcedentium meditationum censendus est auctor, maximepius, divinis contemplandis mysteriis assuetus.*

1. Ad salutandam beatam Virginem, primo debes ejus magnitudinem considerare; nec enim amplius circa Filium suum potuit elevari quam ut Mater Domini vocaretur. Exultans ergo, et admirans magnitudinem Matris nostræ, devote et reverenter, ac confidenter ad ipsam accedens dico: *Salve*. Hoc dicto resilias in tuam parvitatem a magnitudinea Matris Dei. Et dic, patientiam habe in me, Domina, quia ego vilissimus hominum audeo assistere tantæ Dominiæ, et salutare te præsumo Reginam cœlorum, Dominam angelorum, Matrem Dei mei, sed de tua benignitate, Domina, humili, ac humilitate benigna confido, quod me indignissimum sustinebis. Et quamvis sis arca Dei, sine comparatione nobilior arca Veteris Testamenti, et ego multo ignobilior; attamen cum te tetigero corde, ac salutavero ore, non credo percuti, sed tuo amore potius inflammari, et a tua pietate largissima in omnibus exaudiri. Ergo *Salve, Regina*, sub tuo regimine, Domina, de cætero volo militare, me totaliter dominationi tue committo, ut me plenarie regas et gubernes. Non me permittas mihi, quia sum mihi ipsi conscius nimis. Quidquid enim mihi dimiseris, neveris miserrime destruendum. Sed cum plenus sum miseria, et a planta pedis usque ad verticem putrefactus putredinem generem et horrorem, quomodo me regere dignaberis tam nobilis creatura? Certe quia tu es *Regina misericordiae*.

2. Et qui sunt misericordiae subditi, nisi miseri? Sic ergo *misericordiae* Regina es, et ego miserrimus sum, omnium subditorum tuorum maximus peccator. Quomodo ergo, Domina, in me non exercebis tunc miserationis effectum? Vere Domina, *Regina es mi-*

(58) Vide Eylegren. in Chronico Spirensi.

**B**sericordiae, quia non est in hac vita sic desperatus, sic miser, cui non impetrat salutarem misericordiam, si quis ad tuum declinaverit regnum. Certe, Domina, cum te aspicio, non nisi misericordiam cerno. Nam pro misericordia facta es. Misericordiam misericordiæ genuisti. Undique, Domina, misericordia tu vallaris, solum misereri appetere tu videris. Multum es sollicita de misericordiæ, hos in tuos filios adoptasti, hos regere voluisti, Domina, et ideo *Regina misericordiae* debite tu vocaris. Quid ergo de cætero, Domina, formidamus? Quid timemus? Quid ad te gradu concito non venimus? Et quis a te, quæ petierit, non habebit? certe nescio, nisi qui se miserum non cognoscit. Quia non subest de nobis tuo regimini, nisi miser, aut etiam qui se cognoscit miserum, et **C**de tua misericordia confidit. Illi ergo paveant soli, qui se existimant justos esse, et superbi et presumptuosi, qui tuo regimini non subsunt, et etiam illi miseri, qui tuam misericordiam non requirunt. Nos ergo miseri tecum de cætero consolemur, tecum modo Domina habitemus; te mentis visceribus amplectamur, quia tu es vita.

3. Vita vere, quæ mortem superbiae humilitate vicisti, quæ nobis vitam gratiæ impetrasti, quæ vitam gloriæ genuisti, et non est dubium quod vitam naturalem a multis periculis liberasti. In omnibus enim te vitam morti opponis, cum videris expedire. O vita mirabilis, quæ mortuos vivificare conaris! Per te, Domina, est regressus de privatione ad habitum. O vita mortem non timens, mortem expellens, mortales immortales constituens! O certe vita amabilis, vita desiderabilis, vita delectabilis! O vita non senescens, sed potius senes ad juventutem reducens!

O vita, carnaies *vitas ad nibilum redigens!* O vita A certe contraria mundi *vita!* Qui enim vult te habere se affligat, delicias respuat, delicata quæque contemnat; et qui amplius mortificatus fuerit, te amplius possidebit. O vita divina fortificans potestate, impetratio divinam sapientiam exbalans, et divina vegetans bonitate. Si vita mea es, cur non semper vegetas vitam meam? Quis mihi tribuat ut semper gaudemus beneficio hujus vita? dulcedo. Vere dulcedo, qua amaritum sine peccatorum impetrando expellis, quæ nobis dulcorem gratiae acquiris, quæ ad suavitatem patriæ coelestis contemplantes introducis, et demum ad ipsam possidendum adducis. O dulcis Domina, cujus sola memoria affectum dulcorat, cuius magnitudinis meditatio mentem elevat, cujus pulchritudo oculum interiorem exhibilat, cuius amoenitatis immensitas cor meditantis inebriat! O Domina, quæ rapis corda dulcore tuo, et nunc cor meum, Domina, rapisti; et ubi, quæso, posuisti illud, ut ipsum valeam invenire? Nunquid in sinu tuo, ut me ipsum inveniam, collocasti? Nunquid inter tua ubera posuisti? fortasse ibi posuisti illud, ut quod friguerat, amore tuo succensum calciasiat, ut a te nequeat separari. O raptrix cordium! Quando restitues mibi cor meum? Quare sic corda simplicium rapis? Quare violentiam, inio benevolentiam facis amicis? Nunquid vis ipsum tenere? Cum illud a te postulo, mihi arrides; et statim tua dulcedine consopitus quiesco, cum in me reversus, iterum illud postulo, me amplexaris, dulcissima, et statim inebrior tuo amore. Nunc cor meum non discervo a tuo. Nec aliud petere scio a te nisi tuum. Sed, ex quo sic est cor meum tuo amore inebrium, tuo amore consopitum, gubernata cum tuo, et in sanguine Agni conservata et in latere filii tui colloca, ut solum quæ sentis sentiat, et solum diligit quæ tu amas, non in terra, sed in celo sit tecum. O! beatum cor est, cui datum est semper, vel quasi semper, Dominam meditari; cui datum est semper inter delicias Domini gloriari; necon compati Filii passioni. Omirabilis et amabilis cordis dulcedo, cui cætera et patrem, matrem et filios, vel ea quæ ad ipsos spectant, setidissima et amara videntur. O dulcissima Domina, dulcissima fructum habens, dulcissime corda attrahens, dulcissima bona largiens, dulcissima quæque promittens, dulcissima corda tu reddis. O quam dulcis es, Domina mea! O certe quam Juticis, et quam dulcissima in deliciis, dulcissima habens ubera pietatis, et summe benedicta! Tunc assequar que intendo, tunc possideo quod spero, quia tu es spes nostra.

Nonne tu es Domina regni? nonne tu es Mater præmii, scilicet Christi, qui est præmium honorum ac beatorum? Nonne tu es quæ nos tantum desideras exaltari? Nonne sine comparatione plus nos diligis et bonum nostrum proceras quam mater carnalis? Si ergo nos vis facere gloriosos, mo quia vis, quis poterit prohibere? Quid enim babes aliud facere nisi Filium exhibere? Ipse est meritum, et præmium nostrum, et gloria nostra est. Sperent ergo in te, qui

PATROL. CXLIX.

A nomen tuum neverunt, quoniam non derelinquis quarentes te, Domina (Psal. ix). Certe qui sperant in te, mutabunt fortitudinem, assumunt pennas ut aquilæ, current et non laborabunt, rolabunt et non deficient (Isa. xl). Quis non sperabit in te, quæ et adjuvas desperatos? Et quis non sperabit in te, propter quam exauditæ sunt preces patrum, oracula prophetarum, et eorum adimplita promissa? Et quid potuerunt, patriarchæ, et prophetæ desiderare, Domina, quod per te non fuerint assecuti? Si antiqui per te haec omnia habuerunt, quomodo nos, qui sumus filii tui sanguine unigeniti jam redempti, non habebimus, quod voluerimus postulare? Non dubito quod si ad te venimus, habebimus quod volumus. In te ergo speret, qui desperat; qui deficit, ad te currat confidenter; ad te veniat qui vult aliquid impetrare dicendo: Salve. Quis a tua salutatione cætero nos poterit prohibere, ex quo sic es Mater et Domina, vita, dulcedo et spes nostra? Quis ergo ex quo Regina es, a tua reverentia nos poterit impedire? Non solum homines, sed universæ etiam creaturæ te Genitricem Dei salutent. Universa, Domina, per te sunt restaurata, et suum Conditorem per te recuperata universa, ut sibi debito ordine sint subjecta. Certe mirum videtur quod totus mundus cessat a tua salutatione, quin semper te laudet omni tempore, et salutet. Sed quid est te bis salutare, nisi te ut Dominam angelorum et hominum revereri? Et quid est salutem replicare, nisi tibi sine fine reverentiam exhibere? Quid est te salutare et iterum salutare, nisi salutem, et salutis profectum a te, Domina, postulare? Quid salutamus et iterum salutamus, nisi ut tam interius quam exterius per te, Domina, salubriter custodiamus? Quid est, saluto, et iterum, saluto, nisi quia tua reverentia utrumque hominem expono? Ut quid porro te salutavi, et iterum salutavi, nisi ut per te Deum et hominem, nisi ut per te tuum Filium possiderem? Quid salutavi te, nisi ut redderem ad mea vota accinctam, et iterum salutavi, nisi ut propera essem ad perficienda? Aut certe primo voluius salutare, ut te commendarem; secundo ut post hanc miseriam Filii tui gloria gauderemus. Primo es, Domina, salutanda, ut per te gratiam impetrarem; secundo, ut per te ad gloriam veniamus.

D 5. Ad te, ad te vere, quia tu, Domina, Deum et hominem genuisti; tu sola, Domina, hereticam pravitatem interemisti; tu sola es Domina regni; tu sola es gubernatrix præmii. Ad te matrem nostram, ad te nutricem nostram, ad te adjutricem nostram, ad te certe, quæ nos lavas a scæcibus peccatorum, quæ nos consolaris etiam in incunabulis vagientes, lactas parvulos esurientes; tuis brachiis sustentantur: infirmi deficients; tñ vere consolidas vulneratos, ad salutem perducis ægrotos, et non solum mater et nutrix, sed etiam medica facta es miserorum, quæ non derelinquis derelquentes, quæ recipis fugientes, quæ es Regina, Imperatrix et Domina angelorum; quæ blandimentis nos allicias,

19

deliciis nos foves, et nutris. *Ad te clamamus.* Quomodo non clamaremus, Domina, qui vulnera sustinemus, plagas sentimus, qui undique ab inimicis circumdamur et terremur! *Clamamus,* angustiati et miseriis infinitis oppressi. *Clamamus* cordis anxietate, stomachi vacuitate, doloris acerbitate, aut forte erga te amoris immensitate. *Clamamus.* Ne tibi erga nos somnolentia inducatur, quae nos die nocteque custodis. Quare obdormis, Domina? Surge, adjuvanos. *Clamamus,* etiam ut necessitatem nostram pandamus, quia clamare nos necessitas compellit. Necnon *clamamus* ut ad compassionem te, Domina, invocemus. Nam propter hunc clamorem raucae factae sunt fauces meæ. Quid ergo amplius affligi permittis? Si ergo multum tardaveris, vocem amittam clamando, et ad te amplius vociferari nequibo. Heu mihi, quid tunc faciam, cum nec exaudire me poteris, nec audire? Tunc quid faciam, Domina, cum a te fuerit penitus destitutus? Tunc quid faciam, cum tua ubera non poteris ministrare? Cito, Domina, subvenias clamanti, ne manibus subjaceam inimici. Curre, festina, Domina, tuum nequissimum ac infidelissimum servum ad te clamantem parcendo adjuva, et eripe de manibus inimici et a periculis tui hostis. Si non aliud, Domina, allicere te deberet, nisi quia tuus hostis audet nos servulos invadere fraudulententer, deberes quantocius festinare. Curre, et libera nos, Domina, propter eorum superbiam reprimendam. Curre ne inimicus glorietur in tuis clientulis dominari. Curre, ne dicant: Ubi est eorum Domina, de cuius clementia confidebant? Ne mireris, Domina, si clamamus, quia sumus a te nimium elongati. In regione longinqua dissipavimus partem nostram. Qui si prope essemus planius possemus loqui, et ideo memoris uberiorum tuorum ad te clamamus. *Exsules* a patria, exsules a visione divina; nec non exsules a gratia, exsules a consolatione materna! O anima mea, cur non es potius separata a corpore quam a tua Domina exsulata? Si es exsulata a matre, exsulata es a capite Christi. Et quomodo potes miser sine capite ambulare? Nonne sine capite ambulare esset monstrum? Heu mihi, cur sum in tam longum exsilium relegatus? Quando videbo Deum Salvatorem meum? aut quando potero saltem meam Dominam intueri? Non dubito, Domina, quod si ad te tanquam exsules clamaremus corde, te et Filium tuum possideremus plene. Cur ergo volumus hic quiescere tanquam cives, cur non ad patriam anhelamus? Cur non affectamus Matrem dulcissimam amplexari? Quid non desideramus secum et cum Filio suo commorari? O Domina, dum hic sumus exsules, constitutas nos ne hic, tanquam in patria confidentes, te et tuum Filium querere desistamus. Sic tamen constitutas in corpore, ut semper tecum simus cives in mente.

6. *Fili Evæ.* Vere filii Evæ, quia superbi, præsumptuosi, ambitiosi, avari saltem libris et scientia, et utinam non re alia! gulosi, carnales, et inobedientes, et breviter, ipsam Eam in omnibus se-

A quentes, proni sumus ad malum, difficiles vero ad bonum. Et si contingat aliquem suum bonorum operum generare, cum quadam cordis dolore, et tristitia parturimus multoties, sed malum cum laetitia perpetramus. Non nobis sufficient mala nostra, sed sicut Eva Adam, ita et nos aliquos inclinamus ad mala. Et sicut ipsa excusabat se, ita et nos in nostris defectibus excusamus, aut saltem, si possimus, in alias retorqueamus. Taedet nos vesci ligno vita, Christum Dominum, scilicet in cruce contemplari, et manus ad lignum vetitum applicamus. Non curamus per contemplationem paradisi deliciis consolari, sed potius volumus in peccatorum fæcibus habitare, et vanissima quæque tractare, imo ut verum dicam, fetidissima stercore masticare? Heu, B quanta insania, et vanitas, et cæcitas inaudita! Plus enim nobis placet, in labore nimio, et sudore vilia et mortem nostram acquirere quam cum omni dulcore et suavitate vitam non solum acquirere, sed etiam quodam modo possidere æternam, et glorie Dominum degustare. Et nisi, Domina, nos adjuvisses, fortasse ad inferni profundissima venissemus. Non est, Domina, quod nos valeat excusare, quia non te, sed Eam in omnibus imitamur, imo potius transcurrimus in malis. Et ideo hoc a tuo clementi suffragio cognoscentes, per te, Domina, de tanta miseria sublevari sperantes, propter hoc, *ad te, Domina, suspiramus,* suspiramus autem de bona matris absentia, venire ad te, Domina, cœpientes. *Suspiramus,* ad te, Domina, videre tuum Filium affectantes. *Suspiramus,* tanquam parvuli ad ubera anhelantes, tanquam filii, et indigni ad tuos maternales complexus tendentes. Ad te *suspiramus* desiderio. Ad te *suspiramus* amore interno, tuo nimis inebriati amore. Nullus enim, nisi tuus amor, quo erga te sumus inebriati, Domina, intrinsecus, cogit nos ad te Domino [f., desiderio] *suspirare.* Quis enim te non diligit, et ad tenon suspirat desiderio, ad te reparationem omnium, amoris caminum, pulchriorem sole, dulciorem nelli, bonitatis thesaurum, honestatis speculum, omnis sanctitatis exemplum? Omibus enim amabilis, affabilis, omnibus delectabilis. Sedes es sapientiae, fluvius clementiae, radius deitatis; nec est, qui se abscondat a calore tuo. Sic ergo ad te desiderio et amore medullitus *suspiramus.* *Suspiramus* nos, et vehementi dolore; nam undique nos angustiae prenunt. Quomodo [f., amodo] ergo ad te, solarium miserorum, refugium expulsorum, liberatio captivorum, sponsa adulorum, Regina stellatorum, Domina universorum, etiam inimicorum, non est qui tua voluntati valeat obviare. Et ideo sic afficti, sic miseri, ad talem tam dulcem, tam suavem, in omnibus adjutricem, lignum vite, consolationis radicem, ad te, te, inquam, Dominam *suspiramus.*

7. *Gementes et flentes in hac lacrymarum valle.* Tu, Domina, nonne vides quod totaliter sumus amaritudine pleni? Intus sumus gementes, exterius flentes, in hoc lacrymoso loco jacentes. Onerati peccatis genimus, aggravati molestiis flemus, abundantes

miseris flemus, in valle lacrymarum auxilio destituti gemimus, Solem justitiae non videntes. Flemus inimicis nostris servientes in valle lacrymarum sumus, tuum auxilium postulantes. Hæc est certe vallis lacrymarum ad quam omnia lacrymabilia fluunt, gemebunda decurrunt, ad quam flebilia ruunt. Ad hanc vallem fluxerant dæmones inferorum, hic est pena protoplastorum, miseræ antiquorum. Quid amplius dicam? nec sufficio, nec scio hujus vallis detestabilia enarrare. *Eia ergo, Advocata nostra!* O laudabilis clementia Salvatoris, et nimium amabilis, qui sic afflictis tam nobile subsidium dignatus est elargiri! O certe Dei nostri mira benignitas, quæ suis reis te Dominam tribuit Advocatam, ut a Filio tuo inter nos et Deum Patrem Judice constituto, quod pro nobis volueris, impetrare valeas. Nec enim dubium erit quod non tam manifeste damnabit, quos conservat tuæ advocatio pietatis! Q admirabilis erga nos misericordia Dei nostri, qui, ne a sua fugeremus clementia, non solum communicare nobiscum in Judice, ut esset Deus, et homo, id est, Christus, a quo debet sententia promulgari, sed voluit viscera misericordiæ, Matrem suam, Dominam gloriæ, nostram constitutere Advocatam, ut rei, non judicium, sed subsidium, non supplicium, sed æternum præmium invenire posseimus. Et ideo non est timendum quin miserearis miseris, et ad illam partem declines sententiam quam defendis, et nobis impetres gratiam quam pro nobis precaris. Scio bene quod post sententiam non restat appellatio ad majorem, quia, etsi *Iudeus* sit homo, cuius es Mater, est tamen et Deus, Filius Dei Patris. Non enim video, Domina, quomodo tibi aliquid valeat denegari, et quin per te coelestem patriam habeamus. Et hæc etiam miranda illa pietas; hoc est certe quod cupid Deus noster; hoc est quod desiderat; hoc est, pro quo te nostram constituit Advocatam. Non restat ergo, Domina, nisi ut *illos tuos misericordes oculos ad nos convertas*. Non dubito, Domina, quod si nostras aspexeris miserias, non poterit tua miseratione suum retardare effectum. Mirabiles, necnon amabiles sunt tuorum radii oculorum, quibus nos allicis ad amorem, et ad plenam ducis salutem, ne venenatos oculos basilisci timeamus. O Evæ oculi venenati, cur non offertis vos oculis Virginis, si vultis perfectam recipere medicinam? nam suorum radii oculorum et claritas expellit tenebras, dæmonum effugat catervas, purgat mentium vitia, corda congelata accedit, et demum ad coelestia trahit. O beati, Domina, quos viderint oculi tui! Ilos ergo oculos, benigna Domina, ad nos converte.

A 8. *Et Jesum, benedictum fructum ventris tuus, nobis post hoc exsilium ostende.* O venter mirabilis, qui potuit recipere Creatorem! O venter laudabilis, qui meruit concipere redemtionem! O venter desiderabilis, a quo emanavit desiderium mentium, gratiarum fluvius, gloria præmium! O venter, non venter, sed empyreum cœlum! In hoc ventre sicut pretium perditorum, felicitas beatorum, Dominus angelorum. O beata ubera! O Domina mea! O sons pietatis, lacus sanctitatis, fluvius bonitatis venter tuus, Domina! O felix venter, qui Solem genuisti, universum mundum reparasti, coelestem patriam recuperasti, insuper donasti! O quam pretiosus venter, qui protulit medicinam infirmis, vitam mortuis, paradisum justis! O venter eburneus, et sedes sapientiae! O venter tornatilis, et celsitudo gloriae! O venter amabilis, et dulcedo animæ! O elevatio mentium, inebriatio cordium, et suavitas peccatorum! Fructus tuus, Domina, certe est fructus beatus a principio sui ortus. Hic est Jesus, Dei vivi Filius. Hic est Salvator noster, Christus Dominus. In dulcedine hujus fructus sublevatur intellectus, dilatatur affectus, et utriusque quietatur appetitus. Clarescit ratio, dulcescit affectio, purificatur intentio. In dulcedine fructus tui totum liquevit cor, tuum fructum degustans. Hunc Jesum, benedictum fructum ventris tui, nobis post hoc exsilium ostende. Ut ipsum videndo, ipsum habeamus, ipsum videndo beatitudine repleamur, ipsum videndo in ipsum rapiamur, ipsum videndo in ipsum diffundamur, ipsum videndo in ipsum convertamur. Ut sic deifici, non nostri simus, sed totaliter transformati in ipsum. O clemens! O pia! O dulcis Maria! O clemens indigentibus, pia exorantibus, dulcis amantibus! O clemens poenitentibus, pia proficiensibus, dulcis contemplantibus! O clemens liberando, pia largiendo, dulcis te donando! O clemens consolando, pia consulendo, dulcis blandiendo! O clemens in conspectu, pia in effectu, dulcis in affectu! Clemens in conceptu, pia in aspectu, dulcis in amplexu; clemens es afflictis, pia derelictis, dulcis in amore juatis. Clemens es subjectis, pia jam correctis, dulcis prædilectis. Clemens es potentibus, pia te quærentibus, dulcis te pulsantibus; clemens admirantibus, pia exsultantibus, dulcis te gustantibus. Clemens es pauperculis, pia es despactis, dulcis es devotis. Clemens es elevatis, pia transformatis, dulcis liquefactis. O clemens! O pia! O dulcis virgo Maria. *Ave, Maria, gratia plena, Dominus tecum.*

## IV.

### MEDITATIONES DE GESTIS D. N. JESU CHRISTI.

*Sequentes rhythmos Anselmo ascribit Arnoldus Wion: ejusque nomen atque hos titulos præfert codex ms. Mantuanus. Similes ejusdemque modulationis alii habentur apud Bernardum. Pii quidem sunt isti et*